



Visoko sudsko i tužilačko vijeće Bosne i Hercegovine
Visoko sudbeno i tužiteljsko vijeće Bosne i Hercegovine
Високи судски и тужилачки савјет Босне и Херцеговине
High Judicial and Prosecutorial Council of Bosnia and Herzegovina



Na osnovu člana 16. Zakona o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) („Službeni glasnik BiH“, br. 25/04, 93/05, 48/07 i 15/108) i člana 21. Poslovnika VSTV-a BiH („Službeni glasnik BiH“, br. 55/13, 96/13, 46/14, 61/14, 78/14, 27/15, 46/15, 93/16, 48/17 i 88/17), Vijeće je, na sjednici održanoj 8. maja 2018. godine, donijelo

AKCIONI PLAN ZA BORBU PROTIV KORUPCIJE

2018-2019.

Uvod

Vijeće ministara Bosne i Hercegovine, na 6. sjednici, održanoj 7.5.2015. godine, usvojilo je Strategiju za borbu protiv korupcije Bosne i Hercegovine 2015-2019. (u daljem tekstu: Strategija), čime je stvoren opći okvir za sistemsku i sveobuhvatnu borbu protiv korupcije, s ciljem utvrđivanja prioriteta na planu prevencije korupcije i borbe protiv korupcije, principa i mehanizama zajedničkog djelovanja svih institucija u BiH, kao i svih segmenata društva na tom polju, te stvaranja, odnosno unaprjeđivanja pretpostavki za smanjenje stvarnog i percipiranog nivoa korupcije i afirmacije pozitivnih društvenih vrijednosti poput integriteta, odgovornosti i transparentnosti.

S ciljem realizacije aktivnosti iz Akcionog plana za sprovođenje Strategije, Agencija za prevenciju korupcije i koordinaciju borbe protiv korupcije (u daljem tekstu: Agencija) je donijela Smjernice za izradu planova za borbe protiv korupcije u institucijama sa javnim ovlaštenjima BiH (u daljem tekstu: Smjernice), koje omogućavaju institucijama da izradom planova za borbu protiv korupcije stvaraju uslove za efikasnu borbu, sa definisanim aktivnostima, vremenskim rokovima, indikatorima uspjehnosti.

Akcioni plan za borbu protiv korupcije Visokog sudskog i tužilačkog vijeća Bosne i Hercegovine (u daljem tekstu: VSTV BiH/Vijeće) za 2018-2019. je obavezan za primjenu, a sa njim moraju biti upoznati rukovodstvo i svi zaposleni. Načelo sprječavanja korupcije u Strategiji obavezuje sve zaposlene na donošenje i poduzimanje aktivnosti za sistematsko otklanjanje uzroka korupcije, uključujući sve normative dijelove koji pogoduju korupciji.

Borba protiv korupcije je dug i složen proces i zahtijeva angažman i odgovornost svih zaposlenih u VSTV-u BiH. VSTV BiH će nastojati da u svom radu stvori odnosno unaprijedi pretpostavke za smanjenje stvarnog i potencijalnog nivoa korupcije i afirmiše pozitivne društvene vrijednosti, poput integriteta, odgovornosti i transparentnosti.

Definicija korupcije

Zakonom o Agenciji ("Službeni glasnik BiH", br. 103/09 i 58/13), korupcija je definisana kao „svaka zloupotreba moći povjerene javnom službeniku ili licu na političkom položaju, državnom, entitetskom, kantonalnom nivou, nivou Brčko Distrikta Bosne i Hercegovine, gradskom ili općinskom nivou, koja može dovesti do privatne koristi. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita.”

Međunarodni dokumenti u oblasti borbe protiv korupcije

Najznačajniji međunarodni dokumenti u oblasti borbe protiv korupcije, koje je potpisala i ratifikovala Bosna i Hercegovina su:

- Krivičnopravna konvencija o korupciji¹;
- Građanskopravna konvencija o korupciji²;
- Konvencija Ujedinjenih nacija protiv transnacionalnog organizovanog kriminala sa tri pripadajuća protokola³;
- Konvencija Ujedinjenih nacija protiv korupcije⁴;
- Konvencija o pranju, traganju, privremenom oduzimanju i oduzimanju prihoda stečenih krivičnim djelom⁵.

Zakoni koji direktno ili indirektno regulišu oblast borbe protiv korupcije u Bosni i Hercegovini su:

¹ Krivičnopravna konvencija protiv korupcije (Criminal Law Convention on Corruption, Strazbourg, 27.01.1999.g., stupila na snagu 01.07.2002.g., stupila na snagu u odnosu na BiH 01.07.2002.g., objava „Službeni glasnik BiH”, broj 36/2001).

² Građanskopravna konvencija protiv korupcije (Civil Law Convention on Corruption, Strazbourg, 04.11.1999.g., stupila na snagu 01.11.2003.g., stupila na snagu u odnosu na BiH 01.11.2003.g., objava „Službeni glasnik BiH”, broj 36/2001).

³ Konvencija Ujedinjenih nacija protiv transnacionalnog organizovanog kriminala (Convention against Transnational Organized Crime, Palermo, 15.11.2000.g., stupila na snagu u međunarodnom i unutrašnjem smislu 29.09.2003.g., objava „Službeni glasnik BiH”, broj 03/2002).

⁴ Konvencija Ujedinjenih nacija protiv korupcije (Convention against Corruption, stupila na snagu 14.12.2005.g., stupila na snagu u odnosu na BiH 26.10.2006.g., objava „Službeni glasnik BiH”-Međunarodni ugovor 05/2006).

⁵ Konvencija o pranju, traganju, privremenom oduzimanju i oduzimanju prihoda stečenih krivičnim djelom (Convention on Laundering, Search, Seizure and Confiscation of the Proceeds from Crime, Strazbourg, 08.11.1990.g., stupila na snagu 01.09.1993.g., stupila na snagu u odnosu na BiH 01.07.2004.g., objava „Službeni glasnik BiH”- Međunarodni ugovor broj 04/2006).

- Zakon o Agenciji za prevenciju korupcije i koordinaciju borbe protiv korupcije ("Službeni glasnik BiH", br. 103/09 i 58/13);
- Zakon o zaštiti lica koja prijavljuju korupciju u institucijama BiH ("Službeni glasnik BiH", broj 100/13);
- Zakon o sukobu interesa u institucijama vlasti BiH ("Službeni glasnik BiH", br. 13/02, 16/02, 14/03, 12/04, 63/08, 18/12, 87/13 i 41/16);
- Krivični zakon BiH ("Službeni glasnik BiH", br. 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15 i 40/15);
- Zakon o krivičnom postupku BiH ("Službeni glasnik BiH", br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09 i 72/13);
- Zakon o radu u institucijama BiH ("Službeni glasnik BiH", br. 26/04, 7/05, 48/05, 60/10, 32/13 i 93/17);
- Zakon o državnoj službi u institucijama BiH ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17);
- Zakon o upravi ("Službeni glasnik BiH", br. 32/02, 102/09 i 72/17);
- Zakon o ministarstvima i drugim organima uprave BiH ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09 i 103/09);
- Zakon o slobodi pristupa informacijama u BiH ("Službeni glasnik BiH", br. 28/00, 45/06, 102/09 i 62/11 i 100/13);
- Izborni zakon BiH ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16);
- Zakon o finansiranju političkih stranaka ("Službeni glasnik BiH", broj: 95/12 i 41/16);
- Zakon o javnim nabavkama ("Službeni glasnik BiH", broj 39/14);
- Zakon o sprječavanju pranja novca i finansiranja terorističkih aktivnosti ("Službeni glasnik BiH", broj 47/14 i 46/16);
- Zakon o Sudu BiH ("Službeni glasnik BiH", br. 29/00, 16/02, 24/02, 3/03, 37/03, 42/03, 4/04, 9/04, 35/04, 61/04, 32/07, 49/09, 74/09 i 97/09);
- Zakon o Visokom sudskom i tužilačkom vijeću BiH ("Službeni glasnik BiH", br. 25/04, 93/05, 48/07 i 15/08).

Strateški okvir u borbi protiv korupcije Bosne i Hercegovine

Pored zakona, borbu protiv korupcije, na različitim nivoima vlasti u Bosni i Hercegovini, određuju i postojeće ili buduće strategije za borbu protiv korupcije i akcioni planovi za njihovo sprovođenje, koje na osnovu Zakona o Agenciji trebaju biti u skladu sa opštim principima utvrđenim u Strategiji. Strateški dokument u borbi protiv korupcije Bosne i Hercegovine je Strategija.

Nadležnosti VSTV-a BiH


VSTV BiH je nezavisna institucija BiH, osnovana Zakonom o VSTV-u BiH, čiji je osnovni mandat uspostavljanje i očuvanje nezavisnog, efikasnog i odgovornog pravosuđa u BiH. U tom smislu, VSTV BiH ima vodeću ulogu u provođenju i koordiniranju reformskih aktivnosti u pravosudnom sektoru BiH. Zakonom o VSTV-u BiH utvrđene su nadležnosti VSTV-a BiH koje se odnose na: imenovanje, disciplinsku odgovornost, stručno

usavršavanje, privremeno upućivanje, ocjenjivanje, odsustvo i broj nosilaca pravosudne funkcije, prikupljanje informacija i dokumentacije o njihovom profesionalnom statusu, uključujući datum njihovog imenovanja i prestanak funkcije, prikupljanje statističkih podataka koji se odnose na njihove radne rezultate, učešće u procesu izrade godišnjih budžeta pravosudnih institucija, prikupljanje i analizu izvještaja i potrebnih informacija o budžetu i prihodima za pravosudne institucije, s ciljem obezbjeđenja statističkih podataka, utvrđivanje kriterija za rad pravosudnih institucija, vođenje, koordinaciju i nadgledanje korištenja IKT tehnologija u pravosuđu, objavljivanje etičkih kodeksa nosilaca pravosudne funkcije, davanje mišljenja o pritužbi koje podnese nosilac pravosudne funkcije, koji smatra da su njegova prava ili nezavisnost ugroženi, učešće u izradi nacrti i odobravanje pravilnika o poslovanju pravosudnih funkcija, davanje mišljenja o nacrtima zakona, propisa i važnim pitanjima koja mogu uticati na pravosuđe, te pokretanje postupaka usvajanja zakona i drugih propisa u oblastima značajnim za pravosuđe.

Organizaciona struktura VSTV-a BiH

Zakonom o VSTV-u BiH propisano je da Vijeće čini 15 članova. Unutrašnje organizacione jedinice VSTV-a BiH su Sekretarijat VSTV-a BiH, koji obavlja stručne, finansijske i administrativne poslove i na čijem čelu je direktor i zamjenik direktora Sekretarijata i Ured disciplinskog tužioca, koji vrši dužnost tužioca u vezi sa navodima koji se tiču povreda dužnosti sudije ili tužioca i na čijem čelu je glavni disciplinski tužitelj.

Poslovníkom VSTV-a BiH („Službeni glasnik BiH“, br. 55/13, 96/13, 46/14, 61/14, 78/14, 27/15, 46/15, 93/16 i 48/17), pored Sekretarijata i UDT-a BiH, kao organizaciona jedinica VSTV-a BiH, predviđen je i Kabinet Predsjedništva, koji pruža administrativnu i stručnu podršku Predsjedništvu VSTV-a BiH. Kabinetom rukovodi šef Kabineta, koji za svoj rad odgovara predsjedniku VSTV-a BiH. Prema Pravilniku o unutrašnjoj organizaciji i sistematizaciji radnih mjesta u VSTV-u BiH, u sastavu Kabineta Predsjedništva je Jedinica za odnose s javnošću, a Sekretarijat VSTV-a BiH ima sljedeću unutrašnju organizaciju: Odjel za evropske integracije i strateško planiranje, Odjel za informaciono-komunikacionu tehnologiju, Odjel za pravosudnu upravu, Odjel za administraciju i kadrovsku politiku, Odjel za finansije i računovodstvo, Odjel za pravosudne budžete i donatorska sredstva, Centar za sudsku dokumentaciju, Odjel za imenovanja i Odjel za pravna pitanja. Odlukom Vijeća o organizaciji i sistematizaciji radnih mjesta sa opisom poslova, odgovornostima i potrebnim kvalifikacijama odobrava se implementacija određenih projekata u okviru Vijeća. Obaveze i odgovornosti organizacionih jedinica VSTV-a BiH i projekata, u smislu uloge u sprovođenju borbe protiv korupcije detaljno su prikazane u tabelarnom dijelu Plana.



Kraljice Jelene 88, 71000 Sarajevo, Bosna i Hercegovina
Telefon: +387 (0)33 707 500, Faks: +387 (0)33 707 550 www.pravosudje.ba

Vizija VSTV-a BiH o očekivanom učinku realizacije Akcionog plana borbe protiv korupcije

Unaprijeđenjem i jačanjem svojih kapaciteta, VSTV BiH ima zadatak da jača integritet, odgovornost i transparentnost u radu, stvara preduslov za sprječavanje korupcije na svim nivoima i afirmiše pristup "nulte tolerancije" na korupciju, te, putem Akcionog plana za borbu protiv korupcije VSTV-a za 2018-2019. godinu, ima za cilj poboljšanje usluga koje pruža, sa naglaskom na jačanje odgovornosti za uspješno ostvarenje zadataka i promociju izgradnje integriteta i transparentnosti, obavljanje poslovanja na pravilan, etičan, ekonomičan i efikasan način, usklađivanje poslovanja sa zakonima, propisima, planovima i postupcima, zaštita imovine i drugih resursa od gubitka uzrokovanih lošim upravljanjem, neopravdanim trošenjem i korišćenjem, te od nepravilnosti i prevara.

VSTV BiH je, na sjednici održanoj 13.05.2015. godine, usvojio Listu koruptivnih krivičnih djela iz svih krivičnih zakona u BiH⁶. Koruptivna krivična djela, obuhvaćena Listom koruptivnih krivičnih djela, propisana Krivičnim zakonom Bosne i Hercegovine⁷ (XIX glava) su:

- Povreda slobode opredjeljenja birača (ukoliko je krivično djelo izvršeno radnjom „podmićivanja“),
- Odavanje tajnih podataka,
- Trgovina ljudima (ukoliko je krivično djelo službeno lice učinilo „davanjem ili primanjem isplata ili drugih koristi“ ili „radnjom izdavanja putne ili lične isprave u svrhu omogućavanja trgovine licima“)
- Krijumčarenje ljudi (ukoliko je krivično djelo učinjeno zloupotrebom službenog položaja“)
- Primanje dara i drugih oblika koristi,
- Davanje dara i drugih oblika koristi,
- Protuzakonito posredovanje,
- Zloupotreba položaja ili ovlaštenja (ukoliko je izvršenjem krivičnog djela pribavljena korist),
- Pronevjera u službi,
- Prevara u službi,
- Posluga u službi,
- Kršenje zakona od strane sudije.

⁶ Cilj donošenja ove liste je da posluži kao orijentir svim tužiteljima u BiH prilikom dodjeljivanja oznake određenom predmetu u TCMS-u kao koruptivnom krivičnom djelu, kako bi statistički podaci o ovoj vrsti krivičnih djela bili jednoobrazni.

⁷ ("Službeni glasnik BiH", broj: 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15 i 40/15)

VSTV BiH je, na sjednici održanoj 15.03.2018. godine, usvojilo izmjene Liste koruptivnih krivičnih djela iz svih krivičnih zakona u Bosni i Hercegovini, koje su dostavljene svim tužilaštvima u Bosni i Hercegovini. S tim u vezi, Vijeće je donijelo i Instrukciju o obaveznoj primjeni oznaka za predmete korupcije u skladu sa Listom koruptivnih krivičnih djela i izmjenama i dopunama Pravilnika o Sistemu za automatsko upravljanje predmetima u tužilaštvima (TCMS). Usvajanje Liste koruptivnih krivičnih djela i usvajanje posebne oznake za registraciju koruptivnih predmeta u tužilaštvima (KTK) ima višestruki značaj. Tek nakon uvida u precizne podatke kada je u pitanju broj koruptivnih krivičnih djela, mogu se pouzdanije analizirati rezultati rada, te efikasnije planirati aktivnosti i osigurati sistemski pristup rješavanju ove vrste predmeta u tužilaštvima.

Vijeće će u realizaciji aktivnosti iz ovog Akcionog plana imati u vidu preporuke iz Izvještaja Peer Review Misije Evropske komisije za BiH.

Vremenski okvir Akcionog plana borbe protiv korupcije

Vremenski okvir Akcionog plana borbe protiv korupcije određen je u skladu sa Smjernicama i obuhvata period od 2018. do 2019. godine.

Finansijska projekcija implementacije

Obaveze se mogu stvoriti u skladu sa odobrenim sredstvima za namjene utvrđene Zakonom o budžetu institucija BiH i međunarodnih obaveza BiH i godišnjim planom dinamike rashoda iskazanim mjesečno, u skladu sa Zakonom o finansiranju institucija BiH i drugim opštim aktima.

Proaktivni nadzor implementacije planova borbe protiv korupcije

Proaktivni nadzor implementacije Akcionog plana za borbu protiv korupcije vršiće se na principu izvještavanja o realizaciji Akcionog plana za borbu protiv korupcije i u skladu sa Smjernicama.

Eventualni rizici u implementaciji Akcionog plana za borbu protiv korupcije

1. Nemogućnost prepoznavanja korupcije od strane zaposlenih
2. Nesprovođenje plana obuka u vezi sa pitanjem sprječavanja korupcije u sprovođenju javnih nabavki
3. Neblagovremeno usvajanje ili neodobravanje budžetskog zahtjeva
4. Usporavanje donošenja i primjene planova rukovodstva VSTV-a BiH
5. Pristrasnost i nestručnost
6. Nedovoljna samostalnost i kompetentnost subjekata sprovođenja

7. Nedovoljna angažovanost subjekata sprovođenja
8. Nedostatak resursa (ljudskih i materijalnih)
9. Nedostatak sistematičnosti i koordinacije.

NEZAVISNOST POSTUPANJA I PODRŠKA ANTIKORUPCIJSKIM TIJELIMA I INSTITUCIJAMA

	Aktivnost	Vremenski rok	Institucija nadležna za sprovođenje	Indikator uspješnosti
1.	Harmonizirati procedure internih kontrola u javnim institucijama, s ciljem sprječavanja izlaganja zaposlenih internim pritiscima	2018	Odjel za administraciju i kadrovsku politiku	Procedure interne kontrole revidirane i usklađene

JAVNOST U RADU VSTVA-a BiH I PRISTUP INFORMACIJAMA

2.	Podsticati i unaprijediti proaktivnu transparentnost u radu javnih institucija u BiH u skladu sa standardima Partnerstvo za otvorenu vlast (Open Government Partnership)	Kontinuirano	Kabinet Predsjedništva	Izrađene strategije javnog komuniciranja i unaprijeđena aktivna transparentnost VSTV-a BiH
----	---	--------------	------------------------	--

SUKOB INTERESA I IZJAVE O IMOVINSKOM KARTONU NOSILACA PRAVOSUDNIH FUNKCIJA

3.	Formirati elektronski registar izjava o imovinskom stanju nosilaca pravosudnih funkcija	2019	Odjel za IKT Odjel za pravosudne budžete i donatorska sredstva Odjel za pravna pitanja	Elektronski registar izjava uspostavljen
4.	Uvesti efikasne alate za prikupljanje podataka u vezi sa izjavama o imovinskom stanju sa fokusom na	2019	Odjel za IKT Odjel za pravosudne budžete i donatorska sredstva	Unaprijeđeni obrasci finansijskih izvještaja i predloženi funkcionalni sistemi za podnošenje,

	verifikaciju, provjeru podataka i sankcionisanje		Odjel za pravna pitanja	obradu, čuvanje, provjeru i objavu finansijskih izvještaja.
5.	Uspostaviti elektronsku bazu podataka za kontinuirano provođenje kontrole prijema poklona imenovanih nosilaca pravosudnih funkcija i njihovog prijavljivanja	2019	Odjel za IKT Odjel za pravosudne budžete i donatorska sredstva Odjel za pravna pitanja	Elektronska baza podataka uspostavljena

JAVNE NABAVKE I PRIVATNI SEKTOR

6.	Kontinuirano vršiti obuke uposlenih u VSTV-u BiH vezi sa pitanjem sprječavanja korupcije u provođenju javnih nabavki	Kontinuirano	Odjel za administraciju i kadrovsku politiku	Obuke u vezi sa pitanjem sprječavanja korupcije u javnim nabavkama se redovno provode
----	--	--------------	--	---

PRIKUPLJANJE I TROŠENJE JAVNIH SREDSTAVA

7.	Unaprijediti sistem internih kontrola s ciljem jačanja odgovornosti i racionalnosti u planiranju i trošenju javnih sredstava	Kontinuirano	Odjel za finansije i računovodstvo	Redovno provođenje kontrola, sačinjavanje izvještaja i davanje preporuka
8.	Osigurati transparentnost planiranja, prikupljanja i trošenja javnih sredstava putem javnog objavljivanja finansijskog poslovanja VSTV-a BiH	Kontinuirano	Odjel za finansije i računovodstvo	Transparentnost osigurana objavljivanjem izvještaja na web stranici VSTV-a BiH nakon usvajanja od strane nadležnih organa

PRIJAVLJIVANJE KORUPCIJE

9.	Kontinuirano promovisati online sisteme i telefonske linije za prijavljivanje korupcije i mehanizme zaštite lica koje prijavljuje korupciju	Kontinuirano	Kabinet Predsjedništva	Javnosti dostupne informacije o online sistemima i telefonskim linijama za prijavu korupcije
----	---	--------------	------------------------	--

OTKRIVANJE KORUPCIJE

10.	Redovna izrada i nadogradnja, te provođenje planova integriteta	Kontinuirano	Radna grupa za pripremu Novog plana integriteta VSTV-a BiH	Nadogradnja i provođenje planova integriteta realizirani
11.	Definirati osnove i procedure za proaktivno postupanje u otkrivanju korupcije u vezi sa indicijama koruptivnog ponašanja	2019	Odjel za IKT	Osnove i procedure definirane
12.	Izraditi analizu razloga za donošenje oslobađajućih presuda u predmetima korupcije	2019	Projekat „Jačanje tužilačkih kapaciteta u sistemu krivičnog pravosuđa“	Analiza izradjena i dati prijedlozi za unaprjeđenje u skladu sa rezultatima analize
KOORDINACIJA I SARADNJA IZMEĐU INSTITUCIJA U OTKRIVANJU I DOKAZIVANJU KORUPCIJE				
13.	Utvrđiti koji aspekti saradnje i koordinacije između institucija nisu dovoljno efikasni, što rezultira nedovoljno kvalitetnim dokazivanjem korupcije pred sudovima	2019	Projekat „Jačanje tužilačkih kapaciteta u sistemu krivičnog pravosuđa“	Utvrđeni prijedlozi za povećanje efikasnosti procesuiranja korupcije
14.	Predložiti i usvojiti mjere za unaprjeđivanje komunikacije, saradnje, razmjene informacija o koruptivnim krivičnim djelima i koordinaciju rada institucija sa antikorupcijskim nadležnostima u BiH	2018	Projekat „Jačanje tužilačkih kapaciteta u sistemu krivičnog pravosuđa“	Mjere za unaprjeđenje komunikacije, saradnje i razmjene informacija predložene i usvojene
PRIKUPLJANJE DOKAZA ZA KORUPTIVNA KRIVIČNA DJELA				
15.	Provoditi obuke sudija, tužilaca u vezi primjene naprednijih mjera u otkrivanju, dokazivanju i procesuiranju koruptivnih krivičnih djela	2019	Projekat „Jačanje tužilačkih kapaciteta u sistemu krivičnog pravosuđa“	Obuke provedene

			Projekt unaprjeđenja efikasnosti pravosuđa II Centar za sudsku dokumentaciju	
PROCESUIRANJE KORUPTIVNIH KRIVIČNIH DJELA				
16.	Periodično analizirati efikasnost postupanja sudova po koruptivnim predmetima, te nalaze tih analiza zajedno sa prijedlozima za unaprjeđenje na tom planu učiniti javnim	2019	Odjel za pravosudnu upravu Projekt unaprjeđenja efikasnosti pravosuđa II	Izrađena analiza efikasnost postupanja sudova po koruptivnim predmetima i objavljena
RAZVIJANJE I UNAPRJEĐIVANJE KAZNE POLITIKE ZA KORUPTIVNA KRIVIČNA DJELA				
17.	Analizirati zakonodavni okvir u BiH u vezi sa pitanjem utvrđivanja efikasnosti zamrzavanja, oduzimanja i upravljanja nelegalno stečenom imovinom u koruptivnim predmetima	2019	Odjel za IKT Odjel za pravosudne budžete i donatorska sredstva Odjel za pravna pitanja	Analiza zakonodavnog okvira izrađena
JACANJE MEHANIZMA MONITORINGA RADA PRAVOSUDNIH ORGANA I INSTITUCIJA				
18.	Analizirati postojeći sistem statističkih podataka rada VSTV-a BiH i pravosudnih organa i mogućnosti za njihovu dostupnost javnosti	2018	Odjel za pravosudnu upravu Odjel za pravna pitanja	Izrađena analiza postojećeg sistema statističkih podataka
19.	Na osnovu analize predložiti obuhvat statističkih podataka koji trebaju postati javni i predložiti ih na način da budu dostupni javnosti	2019	Odjel za pravosudnu upravu Odjel za pravna pitanja	Utvrđene kategorije statističkih podataka koji trebaju postati javni

20.	Kontinuirano objavljivati statističke podatke u vezi sa brojem istraga, te podignutih, prihvaćenih i odbijenih optužnica, kao i broja presuda po koruptivnim krivičnim predmetima	Kontinuirano	Odjel za pravosudnu upravu Odjel za pravna pitanja	Podaci se redovno objavljuju na web stranici VSTV BiH: http://vstv.pravosudje.ba/Aktivnosti/Statistika/Izvještaji o radu sudova i tužilaštava/Struktura kriminala
21.	Inicirati uvođenje međusobno kompatibilnih elektronskih obrazaca u tužilaštvima i sudovima, radi lakšeg praćenja predmeta	2019	Odjel za IKT	Uspostavljen web servis za elektronsku razmjenu dokumenata, izvještaja i dokaznog materijala između tijela za provođenje zakona i tužilaštava

JACANJE POVJERENJA GRAĐANA U INSTITUCIJE KOJE SE BORE PROTIV KORUPCIJE

22.	Analizirati postojeće mehanizme za prijavljivanje korupcije u BiH s ciljem utvrđivanja mogućnosti za unaprjeđenje povjerljivosti postupanja po prijavama	2018	Odjel za administraciju i kadrovsku politiku	Postojeći mehanizmi analizirani, proučene najbolje prakse i utvrđene mogućnosti za njihovo unaprjeđivanje
23.	Poboljšati procedure za postupanje po prijavama korupcije u pogledu povjerljivosti informacija koje su dobijene, s posebnim osvrtom na zaštitu lica koje prijavljuje korupciju	2018	Odjel za administraciju i kadrovsku politiku	Prijedlozi za poboljšanje zaštite povjerljivosti utvrđeni i dostavljeni svim institucijama koje postupaju po prijavama korupcije
24.	Aktivno informisati građane o radu VSTV-a BiH, uz promovisanje pozitivnih primjera postupanja po prijavama građana u slučajevima korupcije	Kontinuirano	Kabinet Predsjedništva	Podaci dostupni javnosti

ZNAČAJ ORGANIZACIJA CIVILNOG DRUŠTVA U BORBI PROTIV KORUPCIJE

25.	Jačati saradnju VSTV-a BiH sa organizacijama civilnog društva u cilju istraživanja kojanse odnose na mogućnosti pojave korupcije u VSTV-u BiH	Kontinuirano	Kabinet Predsjedništva	Uspostavljena sistemska saradnja sa OCD u domenu planskih i prioriternih istraživanja
26.	Sistemsko ostvarivanje partnerstva i saradnje VSTV-a BiH sa javnim, privatnim i nevladinim sektorom u provođenju antikoruptivnih projekata	Kontinuirano	Kabinet Predsjedništva	Saradnja uspostavljena kroz održavanje sastanaka između predstavnika VSTV-a BiH i javnog, privatnog i nevladinog sektora.

EVALUACIJA PROVOĐENJA STRATEGIJE I AKCIONOG PLANA

27.	Izveštavati i dostavljati podatke APIK-u o godišnjem provođenju aktivnosti iz Akcionog plana	Kontinuirano	Odjel za pravna pitanja	Podaci o godišnjem provođenju aktivnosti iz Akcionog plana dostavljeni APIKU-u
28.	Praćenje i evaluacija predviđenih aktivnosti iz Akcionog plana uz periodičnu procjenu uspjeha	Kontinuirano	Odjel za pravna pitanja	Na osnovu dobivenih izvještaja o provođenju Strategije i Akcionog plana, provodi se evaluacija i praćenje

Broj: 08-02-3-1128-6/2018

Sarajevo, 23. maj 2018. godine



Kraljice Jelene 88, 71000 Sarajevo, Bosna i Hercegovina
Telefon: +387 (0)33 707 500, Faks: +387 (0)33 707 550 www.pravosudje.ba